



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-348-7/23**

Datum: **01.09.2023. godine**

«Agencija za vodno područje rijeke Save» Sarajevo, rješavajući po zahtjevu pravnog lica JP «Elektroprivreda BiH» d.d. Sarajevo podružnica «Elektrodistribucija» Sarajevo za izdavanje prethodne vodne saglasnosti za izgradnju srednjenaponskih kablova za KBTS 10(20)/04kV MALEŠIĆI 5 (T21611) i 0,4kV niskonaponskih kablova u naselju Malešići, na osnovu 139. stav (1) tačka 10. Zakona o vodama («Službene novine Federacije BiH», broj 70/06), i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **d o n o s i**

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru JP «Elektroprivreda BiH» d.d. Sarajevo podružnica «Elektrodistribucija» Sarajevo, za izgradnju srednjenaponskih kablova za KBTS 10(20)/04kV MALEŠIĆI 5 (T21611) i 0,4kV niskonaponskih kablova u naselju Malešići, koji se planira graditi na zemljištu označenom kao k.č. broj 290, 292/1, 314/3, 343, 358/1, 358/3, 358/4, 358/5, 359, 393, 1573, 1577, 1578, 1579/1 K.O. Vogošća, općina Ilijaš. Predmetne parcele djelimično ili u cjelosti u pripadaju vodnom dobru ili se nalaze unutar linije dopiranja velikih voda.
2. Ova prethodna vodna saglasnost može se koristiti isključivo za potrebe izdavanja urbanističke saglasnosti za predmetne linijske objekte iz tačke 1. dispozitiva rješenja na lokalitetima i dionicama koje se nalaze unutar granica vodnog dobra odnosno unutar linije dopiranja velikih voda i ne oslobađa podnosioca zahtjeva obaveze pribavljanja saglasnosti od strane drugih nadležnih organa.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 3.1. Da korisnik prethodne vodne saglasnosti osigura izradu tehničke dokumentacije na osnovu koje će se vršiti izvođenje radova na izgradnji srednjenaponskih kablova za KBTS 10(20)/04kV MALEŠIĆI 5 (T21611) i 0,4kV niskonaponskih kablova u naselju Malešići, koji se planira graditi na zemljištu koje se nalazi unutar granica vodnog dobra, odnosno unutar linije dopiranja velikih voda uz lijevu obalu rijeke Bosne.
 - 3.2. Da se trasa predmetnih spojnih energetskih vodova prikaže na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti iste od korita rijeke Bosne i drugih postojećih i planiranih hidrotehničkih objekata ukoliko se takvi nalaze u pojasu polaganja kablova (zaštitne vodoprivredne objekte, objekte lokalnog vodovoda, kanalizacionog sistema i sl.). Sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - 3.3. Da se ukrštanje elektroenergetskih kablova sa postojećim instalacijama vodovoda, kanalizacije, energetskim instalacijama i sl., ukoliko se ova ukrštanja identificiraju projektuje u skladu sa tehničkim propisima za ovu vrstu radova i prema uslovima i saglasnosti organizacije koja upravlja navedenim sistemom.
 - 3.4. Projektnom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom području rijeke Bosne.
 - 3.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.

4. Uz zahtjev za izdavanje vodne saglasnosti pored investiciono-tehničke dokumentaciju, podnosilac zahtjeva treba dostaviti i dokumentaciju utvrđenu članovima 8. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), te dokaz o uplaćenju upravnoj taksi.
5. U postupku pribavljanja urbanističke saglasnosti i odobrenja za gradnju podnosilac zahtjeva će riješiti imovinsko-pravne odnose sa vlasnikom/posjednikom predmetnih parcela preko kojih se planiraju položiti kablovi.
6. Ova prethodna vodna saglasnost prestaje važiti nakon isteka 3(tri) godine od dana pravosnažnosti ovog rješenja, ukoliko u tom roku ne bude ishodovana urbanistička saglasnost te podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno obavezno navesti okolnosti u zahtjevu za izdavanje vodne saglasnosti.

Obrazloženje

Podnosilac zahtjeva, JP «Elektroprivreda BiH» d.d. Sarajevo podružnica «Elektrodistribucija» Sarajevo obratio se dana 11.08.2023. godine ovoj Agenciji sa zahtjevom za izdavanje prethodne vodne saglasnosti za izgradnju srednjenaponskih kablova za KBTS 10(20)/04kV MALEŠIĆI 5 (T21611) i 0,4kV niskonaponskih kablova uz lijevu obalu rijeke Bosne u naselju Malešići, općina Ilijaš.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata te je dopisom broj: UP-1/21-1-40-348-2/23 od 14.08.2023. godine, zatražena dopuna dokumentacije neophodne za vođenje upravnog postupka od strane ove Agencije. Investitor je dopunio zahtjev u ostavljenom roku.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, broj: 065-0-RegZ-20-00716 izdatog dana 30.06.202. godine od strane Općinskog suda u Sarajevu;
- Ovjerena kopija Uvjerenja o poreznoj registraciji, izdatog dana 01.04.2005. godine od strane Porezne uprave – Kantonalni porezni ured Sarajevo;
- Ovjerena kopija Uvjerenja o registraciji obveznika poreza na dodanu vrijednost, broj: 04/1-UPP/1-7160/07 izdatog 01.08.2007. godine od strane Uprave za indirektno oporezivanje Banjaluka;
- Kopija katastarskog plana općine Vogošća broj 3, broj: 06/2-30-10-3942/2019-6 izdatog 01.10.2019. godine od strane Službe za imovinsko-pravne, geodetske poslove i katastar, Odsjek za katastar, Općine Ilijaš,
- Kopija pregledne situacije trase urađena od strane JP «Elektroprivreda BiH» d.d. Sarajevo,
- Kopija Rješenja o urbanističkoj saglasnosti, broj: 05/1-23-1501/22 izdatog 21.06.2022. godine od strane Službe za prostorno uređenje i zaštitu okoliša Općine Ilijaš;
- Studija za prethodnu vodnu saglasnost KBTS MALEŠIĆI 5, broj ugovora: 19/8576 urađen septembra 2020. godine od IPSA INSTITUT d.o.o. Sarajevo;
- Mišljenje AVP Sava Sarajevo broj 10-886-2/23 od 27.07.2023;
- Dokaz o uplati administrativne takse za izdavanje vodnog akta.

U skladu sa članom 124. stav (1) Zakona o vodama i člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 41/20), o zahtjevu je dana 18.08.2023. godine obaviještena javnost putem obavještenja u dnevnim novinama „Oslobođenje“ te putem obavještenja na oglasnoj ploči «Agencije za vodno područje rijeke Save» u Sarajevu. U ostavljenom roku nije bilo pisanih izjašnjenja o predloženim aktivnostima iz zahtjeva.

U ispitnom postupku utvrđene su slijedeće činjenice bitne za odlučivanje:

U svrhu poboljšanja sistema napajanja električnom energijom poslovnog - proizvodnog objekta pilane „Gromex KO“ d.o.o. Sarajevo, uz lijevu obalu rijeke Bosne u naselju Malešići, općina Ilijaš planirana je izgradnja srednjenaponskih kablova za KBTS 10(20)/04kV MALEŠIĆI 5 (T21611) i 0,4kV niskonaponskih kablova. Predmet ovog rješenja je aktivnost polaganja kablova.

Planira se podzemno polaganje kablova na dubinama minimalno 0,8 m, a isti su izrađeni od ekološki prihvatljivih materijala sa izolacijom koja nije uljna.

Uvidom u predmetno rješenje i Informacioni sistem voda (ISV) kao i na osnovu dostavljene dokumentacije utvrđeno je da se zemljišne čestice označene kao k.č. 358/3, 358/4, 359, 393, 1578 sve u K.O. Vogošća djelimično ili u cijelosti nalaze unutar granica vodnog dobra.

Takođe je utvrđeno da se zemljišne čestice označene kao k.č. br. 358/3, 359, 393 i 1578, K.O. Vogošća u općini Ilijaš, dijelom nalaze unutar pojasa koji je na udaljenosti manjoj od 10 metara od linije dopiranja velikih voda rijeke Bosne ranga pojave 1/100, te za te dijelove predmetnih zemljišnih čestica, kao i za planirani dio trase niskonaponske planiran na njima, važe zabrane iz člana 96. stav 1. tačka 16. Zakona o vodama.

Uvažavajući navedeno, u skladu sa odredbama člana 12. Zakona o vodama, planirani radovi i aktivnosti su dozvoljeni, uz obavezu ishodovanja prethodne vodne saglasnosti za predmetnu aktivnost, nadležnog organa za izdavanje vodnih akata, u ovom slučaju AVP Sava, a sve u skladu sa članom 16. stav 1. tačka 15. u vezi sa članom 17. stav 1. tačka 15. Pravilnika o sadržaju, obliku, uslovima, načinu izdavanja i čuvanja vodnih akata.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, propisani su uslovi koje projektna dokumentacija treba da ispuni, a ista će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno članu 111. Zakona o vodama, člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta

Haris Ališehović, dipl.inž.grad.

za Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.grad.

Dostaviti:

- «Elektrodistribucija» Sarajevo
Zmaja od Bosne 49, 71000 Sarajevo
- AVP Sava, ISV-vodna knjiga
- ☉ Sektor 40 – arhiva
- Oglasna ploča AVP Sava

Priglas

04.09.2023.